

UNIVERZITET U SARAJEVU
AKADEMIJA LIKOVNIH UMJETNOSTI
Obala Maka Dizdara 3

Broj: 03-180.2/20
Sarajevo, 09.03.2020. godine

Na osnovu članova 78. do 86. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), Pravila studiranja za prvi, drugi ciklus studija, integrirani, stručni i specijalistički studij na Univerzitetu u Sarajevu, Vijeće Akademije na sjednici održanoj 09.03.2020. godine donijelo je

ODLUKU

o kriterijima i mjerilima za utvrđivanje redoslijeda prijema
kandidata za upis u prvu godinu prvog ciklusa
studija na Akademiji likovnih umjetnosti u Sarajevu u studijskoj 2020/2021. godini

Član 1.

Rangiranje i prijem kandidata koji konkurišu za upis na Akademiju likovnih umjetnosti u Sarajevu (u daljem tekstu: Akademija) vršiće se u zavisnosti od bodova koje steknu po slijedećim kriterijima:

- opšti uspjeh u toku školovanja
- postignuti uspjeh iz predmeta značajnih za studij
- rezultata postignutih na prijemnom ispitu
- ostvarene nagrade iz oblasti relevantne za studij
- odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja.

Član 2.

Broj bodova po osnovu opšteg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa brojem 4.

Član 3.

Broj bodova po osnovu uspjeha iz predmeta značajnih za studij na Akademiji vrednuje se maksimalno 40 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 8.

Predmeti koji se posebno boduju kao značajni za studij na Akademiji su za sve odsjeke i iz svih škola maternji jezik i strani jezik.

Član 4.

Kandidati koji su ostvarili nagrade, jedno od prva tri mjesta, za likovna odnosno dizajnerska ostvarenja na međunarodnim, državnim, kantonalnim i općinskim takmičenjima, ostvaruju broj bodova onako kako je objavljeno Konkusom za upis studenata u prvu godinu prvog ciklusa studija Univerziteta u Sarajevu.

Član 5.

Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova.

Član 6.

Ocjenjvanje kandidata na prijemnom ispitu vrše komisije koje imenuje Vijeće iz reda nastavnika i viših asistenata matičnih predmeta.

Član 7.

Na početku i tokom prijemnog ispita komisije pregledaju radove kandidata koji su priloženi uz prijavu na konkurs (najmanje 10 radova)

Priloženi radovi se ne boduju.

Član 8.

Na prijemnom ispitu kandidati ostvaruju bodove po osnovu pokazanih rezultata u izradi slijedećih zadataka:

I Kandidati svih odsjeka rade pismeni rad iz oblasti Historija umjetnosti.

II Kandidati za pojedine odsjeke rade zadatke iz slijedećih disciplina:

1. Nastavnički odsjek:

- crtanje portreta
- crtanje figure
- slikanje mrtve prirode
- slobodna kompozicija

2. Odsjek slikarstvo

- crtanje portreta
- crtanje figure
- slikanje mrtve prirode
- slobodna kompozicija

3. Odsjek kiparstvo

- crtanje portreta
- crtanje figure
- slobodna kompozicija
- modeliranje portreta

4. Odsjek grafika

- crtanje portreta
- crtanje figure
- predložak za jednu od tehnika
- slobodna kompozicija(pero crtež)

5. Odsjek grafički dizajn

- crtanje portreta
- crtanje mrtve prirode
- slobodna kompozicija
- grafičke komunikacije

6. Odsjek produkt dizajn

- 3D model na zadatu temu
- analiza predmeta –redizajn i usmeno obrazloženje rada
- crtanje figure/portreta
- crtanje kompozicije

Član 9.

Kandidat na prijemnom ispitu može ostvariti ukupno 40 bodova.

Bodovanje pokazanog uspjeha na izradi zadataka iz prethodnog člana vrši se tako što se svaki izrađeni zadatak boduje ocjenom od 5 – 10, tako da ocjene pojedinačno donose slijedeći broj bodova.

- ocjena 5 (pet)	0	bodova
- ocjena 6 (šest)	2	boda
- ocjena 7(sedam)	4	boda
- ocjena 8 (osam)	6	bodova
- ocjena 9 (devet)	7	bodova
- ocjena 10(deset)	8	bodova

U izbor ne mogu ući kandidati koji na prijemnom ispitu nisu ostvarili najmanje 24 boda, odnosno oni kandidati koji su iz jednog ili više zadataka dobili ocjenu 5 (pet), odnosno 0(nula) bodova.

Član 10.

Nakon zbrajanja bodova za svakog kandidata pojedinačno, po svim osnovama iz ovog pravilnika komisija sačinjava preliminarnu rang - listu svih kandidata i spisak primljenih kandidata po odsjecima, u skladu sa brojem predviđenim konkursom koje dostavljaju Vijeću na usvajanje.

Nakon usvajanja preliminarne rang – liste na sjednici Vijeća rang lista se oglašava na oglasnoj ploči Akademije koristeći dodijeljene šifre kandidatima i to najkasnije dva dana nakon posljednjeg dana polaganja prijemnog ispita.

Član 11.

Na preliminarnu rang - listu kandidati mogu uložiti prigovor Vijeću u roku od tri dana od dana oglašavanja liste.

Vijeće će o prigovorima odlučivati u roku od tri dana od roka za njihovo podnošenje i o svojoj odluci obavijestiti kandidata u pisanoj formi.

Odluka Vijeća po prigovoru kandidata je konačna.

Član 12.

Konačni spisak upisanih studenata u svim statusima, nakom što ga usvoji Vijeće se oglašava na oglasnoj ploči Akademije, najkasnije dva dana nakon isteka roka za donošenje odluke po izjavljenom prigovoru.

Član 13.

Ova odluka stupa na snagu danom donošenja.

D e k a n



Prof. dr. Dubravka Pozderac - Lejlić

Dostavljeno:

- na web stranicu ALU
- sekretaru
- studentskoj službi
- arhivi- protokol